

**TAROPWEN ENNETIN POROUS REN IO EPWE NO NGENI ME
CHON TUMWUN**

**AEA FANSOUN IMERECHENSI EPWE
MWUUMWUUTA REN
EWE NOVAVAX OPPOSUN EPPETIN COVID-19,
APOCHOKKUNEN OPPOS REN EPPETIN SEMWENIN
CORONAVIRUS 2019 (COVID-19)**

**Mei kawor ngonuk ewe Novavax Opposun Eppetin COVID-19,
Apochockunen Oppos ren eppetin Semwenin Coronavirus 2019 (COVID-19)
e fisita seni ewe watten semwenin non ammat itan coronavirus 2 (SARS-
CoV-2).**

**Ewe Novavax Opposun Eppetin COVID-19, Apochockunen Oppos a ketiw meren
ewe Mwuumwuuta Aean Fansoun Imerechensi (EUA) seni ewe U.S. Food and
Drug Administration (FDA) an epwe kawor ruu angangen ei safei ngeni aramas
18 ierir me nap seni.**

Ei Taropwen Ennetin Porous mei awora porous mei auchea an epwe anisuk ne weweiti
pekingawan me pekieochun ewe Novavax Opposun Eppetin COVID-19,
Apochockunen Oppos, minne ka meni epwe kawor ngonuk pwe mei wor iei fansoun
cheufetannin COVID-19. Kapas ngeni noumw chon awora ngonuk opposun eppet ika
mei wor omw kapas eis.

Ewe Novavax Opposun Eppetin COVID-19, Apochockunen Oppos ina esapw
eochungeni meinisin.

Ei Taropwen Ennetin Porous meni mei siiwin. Ren saingonon siwinin ei Taropwen
Ennetin Porous, kose mochen no ngeni <http://www.NovavaxCovidVaccine.com>.

MET MEI AUCHEA KOPWE SINEI ME MWEN OMW ANGEI EI

OPPOSUN EPPET

MET EI COVID-19?

COVID-19 ew sokkun semwenin coronavirus itan SARS-CoV-2. Ei sokkun coronavirus
ese mwo pwangeni aramas. Mei tongeni uruk COVID-19 seni emon aramas minne ka
mei wor ren ena semwen. Och sokkun semwenin ammat nge mei pwan tongeni
angawano masowen non inis. Aramas e urir COVID- 19 mei sokkopaat esisinnen
semwen rer, seni ekkan mei chok atittin ar semwen ngeni ekkan mei chouchou ngenir
ar semwen. Esisinnen semwenin mei tongeni pwano 2 ngeni 14 ran mwirin an tori
emon monun ewe semwen. Esisinnen semwenin mei pachenong: pwichikkar ika fou;
mwiengas; monunu; metekitek futuken inis ika non inis; metek mokur; ese tongeni neni
ika fareni mettoch; metek non chior; pin pwot ika mwongopwot; eningaw ika mwus;
feiseni.

MET ENA NOVAVAX OPPOSUN EPPETIN COVID-19, APOCHOKKUNEN OPPOS?

Ewe Novavax Opposun Eppetin COVID-19, APOCHOKKUNEN OPPOS nge ew opposun eppet ese mwo mwuumwuuta aean nge mei tongeni eppet semwenin COVID-19.

Ewe FDA a mwutata aean fansoun imerechensi ewe Novavax Opposun Eppetin COVID-19, APOCHOKKUNEN OPPOS ren eppetin semwenin COVID-19 ren aramas 18 ierir me nap seni me fan nurun EUA.

Ren sopwosopwun porousen EUA, katon ewe **“Met ena Mwuumwuuta Aean Fansoun Imerechensi (EUA)?”** kinikin nesopwonon ei Taropwen Ennetin Poraus.

MET KOPWE ESINEI NGENI NOUMW CHON AWORA NGONUK OMW OPPOSUN EPPET ME MWEN OMW KOPWE ANGEI EWE NOVAVAX OPPOSUN EPPETIN COVID-19, APOCHOKKUNEN OPPOS?

Ereni noumw chon awora ngonuk omw opposun eppet meinisin omw semwen, pachenong ika pwe mei:

- wor pekingawen safei ika mwongo ngonuk
- piin uruk mayocarditis (ngut futuken ngasangasomw) ika pericarditis (ngut unuchen ngasangasomw)
- uruk fou pwichikkar
- mei wor omw semwenin cha ika en mei wuun safeian an esapw periper cha non inisum
- mei apwangapwang noumw monun fiiu ngeni semwen ika en mei wuun safei mei apwangapwanga noumw monun fiiu ngeni semwen
- en mei pwopwo ika ekieki pwe en mei tongeni pwopwo
- en mei oupwu noumw
- en mei angei pwan ew opposun eppetin COVID-19
- en mei piin peno ren omw angei ew oppos

ION ESAPW ANGEI EWE NOVAVAX OPPOSUN EPPETIN COVID-19, APOCHOKKUNEN OPPOS?

Kosapw angei ewe Novavax Opposun Eppetin COVID-19, APOCHOKKUNEN OPPOS ika mei:

- wor pekingawen ei oppos ngonuk omw ewe keran angei ei opposun eppet
- wor pekingawen masowen non ei opposun eppet ngonuk

MET MASOWEN NON EI NOVAVAX OPPOSUN EPPETIN COVID-19, APOCHOKKUNEN OPPOS?

Ewe Novavax Opposun Eppetin COVID-19, APOCHOKKUNEN OPPOS mei wor masowen ewe SARS-CoV-2 spike protein non e fofforuta seni ewe baculovirus paikiing Sf9 (fall armyworm) cell meren maan me ewe apochokkunen Matrix- M™ mei wor och sokkun opworopwuren non meren ewe ira itan soapbark (*Quillaja saponaria* Molina). Pwan ekkoch masowan mei pachenong cholesterol, phosphatidylcholine, potassium dihydrogen phosphate, potassium chloride, disodium hydrogen phosphate dihydrate, sodium chloride, disodium hydrogen phosphate heptahydrate, sodium dihydrogen phosphate monohydrate, polysorbate 80, me konik ren opposun. Ewe opposun eppet mei pwan akkaekis masowen non ewe baculovirus me cell protein meren maan fengen me DNA.

REPWE IFA USSUN NE NGENI EMON EWE NOVAVAX OPPOSUN EPPETIN COVID-19, APOCHOKKUNEN OPPOS?

Ewe Novavax Opposun Eppetin COVID-19, APOCHOKKUNEN OPPOS epwe kawor ngonun non ew oppos epwe opposunong non futukomw.

Ewe Novavax Opposun Eppetin COVID-19, APOCHOKKUNEN OPPOS mei kawor non ruu oppos, 3 wiik nefiinar.

MEI PIIN WOR AEAN EWE NOVAVAX OPPOSUN EPPETIN COVID-19, APOCHOKKUNEN OPPOS?

Ewe Novavax Opposun Eppetin COVID-19, APOCHOKKUNEN OPPOS ew opposun eppet ese mwo wor mwuumwuuta ren aean. Ar ewe sossot ne aea ngeni aramas, akkara 25,000 aramas 18 ierir me nap seni, ir mei angei ruu opposun ewe Novavax Opposun Eppetin COVID-19, APOCHOKKUNEN OPPOS.

MET PEKIEOCHUN EWE NOVAVAX OPPOSUN EPPETIN COVID-19, APOCHOKKUNEN OPPOS?

Mei ffat pwe ewe Novavax Opposun Eppetin COVID-19, APOCHOKKUNEN OPPOS mei eppet semwenin COVID-19. Fansoun tamen an epwe eppet semwenin COVID-19 ese mwo ffat non ei atun.

MET PEKINGAWEN EWE NOVAVAX OPPOSUN EPPETIN COVID-19, APOCHOKKUNEN OPPOS?

Mei tongeni wor nge ese chommong fansoun an wor watten pekingawen ewe Novavax Opposun Eppetin COVID-19, APOCHOKKUNEN OPPOS ngeni emon. Nge ika e wor fansoun watten pekingawan ngeni emon, mei pwano non fitu minich ika ew awa mwirin an emon angei ewe Novavax Opposun Eppetin COVID-19, APOCHOKKUNEN OPPOS. lei popwun, noumw chon awora ngonuk omw opposun eppet epwe tingoreok omw kopwe nomwotiw non ena neni mwirin omw angei omw opposun eppet ren ar repwe tumwunuk mwirimwirin ewe oppos. Esisinnen an mei wor pekingawan ngonuk:

- Weires ngasangas
- Ngut won mesomw me non chioromw
- Pichipichikkai ngasangasomw
- Watten ttir won unusen inisumw
- Mwanien me monunu

Mayocarditis (ngut futuken ngasangasomw) me pericarditis (ngut unuchen ngasangasomw) mei fisingeni ekkoch aramas re angei ewe opposun eppet. Napengeni ekkei aramas, esisinnan epopwuta non ewe 10 ran mwirimwirin ewe opposun eppet. Fansoun an epwe fis mei kisikis. Kopwe mwittir ne no ngeni pioing ika ke mefi ew ika nap seni ekkei esissin mwirimwirin ewe opposun eppet:

- Metek fan mwarumw
- Mecheresingaw ne ngasangas
- Mefi pwe mei mwittir pichipichin, pichipichingaw, ika ngupwir pichipichin ngasangasomw

Pekingawen ewe Novavax Opposun Eppetin COVID-19, APOCHOKKUNEN OPPOS fansoun ewe sossot won aramas ren, mei pachenong:

- Mayocarditis (ngut futuken ngasangasomw)
- Pericarditis (ngut unuchen ngasangasomw)
- Ikewe e opposunong ie: metek/cheuch, pwo, parapar me keot
- Esisinnan ese anoniinen: monunu ika mefi semwen, metek futuken inis, metek mokur, metek non kupwukupwun inis, eningaw, mwus, pwichikkar, fou
- Pekingawan ngonuk ren ika e nipung won inisumw me ngut won mesomw

- Ngut fofoun non inis

Pekingawan mwirimwirin an wor chon aea mwirimwirin an mwuumwuuta non ekkoch fonu nukun United States ren ewe Novavax Opposun Eppetin COVID-19, Apochokkunen Oppos mei pachenong:

- Pekingawan mei anoniinen
- Myocarditis (ngut futuken ngasangasomw)
- Pericarditis (ngut unuchen ngasangasomw)

Ina esapw iei meinin pekingawen ewe Novavax Opposun Eppetin COVID-19, Apochokkunen Oppos. Pekingawan mei anoniinen mei togneni pwisin fisita. Ewe Novavax Opposun Eppetin COVID-19, Apochokkunen Oppos mei chiwen wor pekin kaeo ren ar sossot won aramas.

MET UPWE FORI REN PEKINGAWAN?

Ika ke mefi pekingawan mei anoniinen, kokkori 9-1-1, ika no ngeni ew pioing mei kanengonuk.

Kokkori noumw chon awora ngonuk opposun eppet ika nounw tokter ika mei wor pekingawan ke opwut ika ese mwono.

Esinesin pekingawen opposun eppet ngeni ewe FDA me ewe Centers ren Disease Control me Prevention (CDC) **Nenien Esinesin Ren Pekingawen Opposun Eppet (VAERS)**. Nampan ewe VAERS ese kamo nge 1-800-822-7967 ika esinesin won line ngeni <https://vaers.hhs.gov/reportevent.html>. Kose mochen apachanong "Novavax Opposun Eppetin COVID-19, Apochokkunen Oppos EUA" won ewe ewiin nain ren pwor #18 won ewe taropwen esinesin.

Pwan ew, en mei tongeni esinesin pekingawan ngeni Novavax, Inc., ian kopwe tour ngenir me ia mei affat fan ei.

Website	Nampan Fax	Nampan tengwa
www.NovavaxMedInfo.com	1-888-988-8809	1-844-NOVAVAX (1-844-668-2829)

Mei pwan wor fansoun omw kopwe fiti ewe **v-safe**. **V-safe** ew sokkun pisek mei wor won smartphone mei aea text message me tetennin kapas eis won ar webpage omw kopwe kapas ngeni ekkoch araas ra angei ewe opposun eppet pwe kopwe sinei met mei tongeni fis mwirimwirin ewe opposun eppetin COVID-19. **V-safe** mei kapas eis ren an epwe anisi ewe CDC ar repwe nennengeni tumwunun opposun eppetin COVID-19. **V-safe** mei pwan esinesin ren fansoun angangen oruwen oppos ika ke mochen me ar repwe kokko pwe repwe cheki ifa ussun ekkewe chon esinesin ngeni CDC ren pekingawen ewe opposun eppetin COVID-19 mei chouchou ngenir. Ren sopwosopwun porous ren ifa ussun omw kopwe fiti, no ngeni: www.cdc.gov/vsafe.

NGE IKA USE MOCHEN ANGEI EWE NOVAVAX OPPOSUN EPPETIN COVID-19, APOCHOKKUNEN OPPOS?

Me fan nurun ewe EUA, nemeniomw ika kopwe angei ika kosapw angei ewe Novavax Opposun Eppetin COVID-19, Apochokkunen Oppos. Ika kese mochen omw kopwe

angei, ina esapw siiwin angangen tumwun ngonuk.

MEI PWAN WOR MET MEI KAWOR REN EPPETIN COVID-19 ME NUKUN EWE NOVAVAX OPPOSUN EPPETIN COVID-19, APOCHOKKUNEN OPPOS?

Pwan ekkoch eppetin semwenin COVID-19 nge ewe COMIRNATY (Opposun Eppetin COVID-19, mRNA) me SPIKEVAX (Opposun Eppetin COVID-19, mRNA), mei mwuumwuuta meren chon FDA ekkei oposun eppetin COVID-19. Mei pwan wor ekkoch oposun eppetin COVID-19 mei kawor me fan nurun ewe EUA.

NGANG MEI TOGENI ANGEI EWE NOVAVAX OPPOSUN EPPETIN COVID-19, APOCHOKKUNEN OPPOS FENGEN ME PWAN EKKOCH OPPOSUN EPPET?

Ese mwo naaf fatafaten porous mei touronong ngeni ewe FDA ren aean ewe Novavax Opposun Eppetin COVID-19, Apochokkunen Oppos fengen me pwan ekkoch oposun eppet. Ika ke ekiiki omw kopwe angei ewe Novavax Opposun Eppetin COVID-19, Apochokkunen Oppos fengen me pwan ekkoch oposun eppet, kapas ngeni noumw tokter ren met kopwe fori.

NGE IKA NGANG MEI PWOPWO IKA OUPWU NEI?

Ika en mei pwopwo ika oupwu noumw, kapas ngeni noumw tokter ren met kopwe fori.

Mei wor ew nenien rechister ren ion mei pwopwo pwe repwe katon nonnomwun ar pwopwo tori an a upwutiw nour ren ekkewe fefin re angei ewe Novavax Opposun Eppetin COVID-19, Apochokkunen Oppos fansoun ar pwopwo. Mei pesepes ngeni fefin re angei ewe Novavax Opposun Eppetin COVID-19, Apochokkunen Oppos fansoun ar pwopwo, pwe repwe rechister ika ra no ngeni <https://c-viper.pregistry.com/>.

MEI TONGENI URI EI COVID-19 REN EWE NOVAVAX OPPOSUN EPPETIN COVID-19, APOCHOKKUNEN OPPOS?

Apw. Ese wor ewe SARS-CoV-2 non ewe Novavax Opposun Eppetin COVID-19 me ese tongeni ngonuk semwenin COVID-19.

ISONI NOUMW KAACH REN OPPOSUN EPPET


Ika ka angei omw ewiin opos, ina repwe ngonuk noumw kaach renopposun eppet omw kopwe ppi ngen ika ka niwn ren oruwen omw opos ren ewe Novavax Opposun Eppetin COVID-19, Apochokkunen Oppos. Chemeni omw kopwe uwei ena kaach ika ka niwin.

SOPWOSOPWUN POROUS

Ika mei wor omw kapas eis, no ngeni ewe website ika kokkori ewe nampa mei

kawor fan ei. Omw kopwe katon saingonon ach Taropwen Ennetin Porous, en

mei tongeni scan-ini ewe QR mei kawor fan ei.

<p>An ewe Novavax Opposun Eppetin COVID-19, Apochokkunen Oppos website</p>	<p>Nampan tengwa</p>
<p>www.NovavaxCovidVaccine.com</p> 	<p>1-844- NOVAVAX (1- 844-668-2829)</p>

UPWE IFA USSUN NE SOPWENO AI SINEI POROUSAN?

- Kapas eis ngeni ewe chon awora ngonuk opposun eppet
- No ngeni CDC ikei <https://www.cdc.gov/coronavirus/2019-ncov/index.html>
- No ngeni FDA ikei <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>
- No ngeni omw state ika kinikinin local public health

IAN EPWE NOMW IA AI REKOT REN OPPOSUN EPPET?

Ewe chon awora ngonuk opposun eppet epwe isoni porousen omw opposun eppet non omw state/local nenien Porousen Opposun Eppet (IIS) ika pwan ew neni mei mwuumwuuta ne isoni ie. Ei, epwe tumwunu pwe epwe kawor ngonuk pwan ewe chok sokkun opposun eppet ika ka niwin sefan. Re sopwsopwun porousen IIS, no ngeni: <https://www.cdc.gov/vaccines/programs/iis/about.html>.

UPWE PWAN MEONI AN EWE ADMINISTRATION PAKKING RE AI ANGEI EWE OPPOSUN EPPETIN COVID-19?

Apw. Non ei fansoun, emon tokter ese tongeni amomo ngonuk ew opposun eppet me ese tongeni an epwe angei me non ewe opposun eppet administration paking ika pwan ew sokkun mwoni ren kaworen chok ewe opposun eppetin COVID-19. Nge, chon awora kkewe opposun eppet mei tongeni ar repwe kutta meon ar angeng me non ewe prokram ika kaworen mwoni me wor ren opposun eppetin COVID-19 administration paking ren ewe chn angei ewe opposun eppet (insurance mei private, Medicare, Mdicaid, HRSA COVID-19 Prokram ren ekkewe ese wor nour insurance).

IAN UPWE TONGENI ESINESIN ME IA REN CHON SONA?

Aramas re ekieki pwe mei wor sona ren angangen ewe CDC Opposun Eppetin COVID-19 Prokram, mei pesepes pwe repwe esinesin ngeni ewe Ofesin ewe Inspector General, U.S. Department ren Health me Human Services, won nampa 1-800-HHS-TIPS ika [TIPS.HHS.GOV](https://www.hhs.gov/tips).

MET EWE PROKRAMMIN NIWININ ION MEI FEIENGAW?

Ewe prokrammin niwinin ion mei feiengaw (CICP) nge ew an chon federal prokram mei tongeni anisuk ne meoni niwinin omw nomw non pioing me pwan met sokkun mwoni tonong ren aramas re feiengaw ren och sokkun safei ka oppos, pachenong pwan ei oppos. Akkomw, ew esinesin epwe tourenong ngeni ewe CICP me non chok ew (1) ier seni omw angei ewe opposun eppet. Omw kopwe sinei sopwsopwun ei prokram, no ngeni www.hrsa.gov/cicp/ ika kokkori 1-855-266-2427.

MET EWE MWUUMWUUA FANSOUN IMERECHENSI (EUA)?

Ewe EUA, ew sokkun angang epwe aninnis ne awora me mwuutata aean ekkoch pisekin safei, pachenong opposun eppet, fansoun an wor an public health imerechensi, aweve ren ei matter ren COVID-19. Ewe EUA mei wor ar etipeew meren ewe Secretary ren Health me Human Services (HHS) an affat pwe non ekkoch fansoun, epwe wor pwungun an wor aean safei fansoun imerechensi me pwan met biological

pisek fansoun matter ren COVID-19. Ew pisek mei mwuumwuuta aean fansoun imerechensi ese mwo wor fansoun an FDA repwe katon angangan, ussun ren ekkoch pisek mei mwuumwuuta meren chon FDA.

FDA mei tongeni awora ewe EUA ika mei tufich ngeni ekkoch ar mochen, awewe ren an ese naaf, ese mwuumwuuta, me ese wor pwan ew sokkun aninnis. Pwan ew, an FDA finata e feito seni an wor pisekin pwarata ren pekin science mei affata pwe ena pisek mei tongeni an epwe eppet COVID-19 fansoun matter ren COVID-19 fengen me ar sinei pwe pekieochun e nap seni pekingawen ewe pisek. Meinsin ekkei kinikinin epwe ponueoch me mwen ar repwe mwuutata ew pisek pwe repwe aea fansoun matter ren COVID-19.

Ewe EUA epwe ketiw fansoun an wor appion ewe COVID-19 EUA pwe mei wor pwungun aean ei pisek, me nukun chok ika ra awesi ika eniwini (mwirimwirin, esapw chiwen wor aean ewe pisek).

Fofforun ren:

Novavax, Inc., Gaithersburg, MD, 20878

C20101US-001

Siiwin: Sunae/13/2022

©2022 Novavax, Inc. Meinsin pwungun ennuhun.



Scan-ini omw kopwe katon ei Taropwen Ennetin Porous mei kawor ngeni chon angei ewe opposun eppet ren ewe rekotun safei/opposun eppet porous me won kampiuter.

GDTI: 0886983000370